



83





Exv
89



~~2925~~

~~V998~~

¹⁵
E. 839.

2. *Requis* *multis aliis* *ut*
Mathematicis *durant*

Costo. 77 - Pris. - 3th



P.

Rec. 3. pieces

1. *Ortwinus* *gracif* *sine* *clavitatione* *germana*
pronosticationum *super* *orientem* *germaniam*
et *specialium* *ad* *magnum* *annum* *platonis*
supra *exclusione* *1417.* *lince* *barbarus*


2. *pronostication* *avec* *l'almanach* *perpetuel* *pour* *trouver*
quelques *les* *jours* *et* *signes* *jours* *festivites* *et* *la*
flaubotomie *pour* *conserver* *le* *corps* *en* *sante*

3. *thesaurus* *mutius* *metense* *1400*

Profonstication perpetuelle

Composée par les anciens & espers Astro-
logues. Avec vng Almanach perpetuel.
pour trouuer Pasques. Des douze sign.

Jours mal fortunez selon sydiac & Dictago. & Pour trouuer tant de
iour que de nuyt: quelle planette regne. Aussi la fleubotomie de mai/
stre Anthoine Baugnon. pour conseruer le corps humain en sante



¶ S'ensuit la declaration de la Roue precedente



Este cy est la Roue de fortune vraie: approuuee & diffinee p science & p rayson Laquelle a este traictee d'illustre philosophe Pythagore: p laquelle tu pourras scauoir toutes les choses du monde q tu veulx entēdre. ¶ Si tu veulx scauoir si vng malade doit guerir ou mourir. Si est bon a faire voyage: ou si vne femme enuaincte doit faire masse ou fille. Ou si vng amāt doit auoir celle ql ayne. Si l'on doit trouuer vng larcin: ou faire vne cōpaigntie: ou prēdre femme. Si vng seruiteur sen va ou demourera avec son maistre: et ainsi de toutes choses q tu voudrias scauoir. ¶ Du malade aduises a cōbien de iours de la lune il sera tōbe en maladie: & ql iour de la sepmaine: & resgarde son nō & le planete: car chescū ior de la sepmaine a sa planete: cōme vo^r Verrez cy aps. ¶ Et pmiertemēt prēs le nōbre de son nō leq^l tu trouueras en la roue de la bc. & prēs la pmiere lettre de son nō soit hōme ou femme. Sil a nō Anthoyne prens A et faictz ainsi des aultres. Et puy prēs le nōbre q est dessus la lettre: puy prēs tāt d iours q aura la lune: & aps lieue le nōbre du ior & le nōbre du planete: et partz to^r les nōbres dessusditz par trēte: & ce q tauācera de. xxx. en sus Regard ded la^d Roue: si le nōbre est de la ptie au dessus la Roue le malade guerira: & sil est trouue de la ptie dessoubz: il mourra ou sera en dangier de mort. Et painsi faictz de toutes aultres choses q tu voudrias scauoir. ¶ Si l'amāt aura celle ql ayne ou nō. Prens le iour q tu ten amouras: & son nō: & a cōbien de iours de la lune & le planete: et prēs to^r les nōbres q la Roue tēseignera: & partz p trēte cōme dessus est dict et de ce que tauācera regardes en la Roue si tu doitz auoir ta mye le nōbre sera de la moitie de la roue au dessus: & si tu ne le doitz auoir: il sera de la partie dessoubz en la Roue. ¶ Et semblablement si tu veulx faire vng voyage: regarde le iour & ton nō: & a cōbien de iours de la lune & le planete. Et ainsi faitz gñalles mēt de toutes aultres choses q tu voudrias scauoir. Laquelle Roue est Verifiee par rayson: & approuuee p science: & diffinee p iugement: & p perimēter par euidence & cours naturel: moyē la grace de nostre sei gñr. Iesucrist. Laquelle Roue: & iours perilleux: aussi la table de Pasq ues: a este diligēment cōposee par moy Frācoys Alliegrin: & traictee des anciēs infailibles aucteurs. &c.

¶ Planettes		¶ Les iours	
Saturne	lv	Samedy	plv
Jupiter	lvvvi.	Jeudy.	ppvi.
Mars	ppvix.	Mardy	lii.
Soleil	ppxiit	Dymenche	L. a. vi.
Venus	plv	Vendredy	lvviii.
Mercur	L. viii.	Mecredy	L. ii.
Lune	plv.	Lundy	lii.

¶ Les choses contenues en ce present liure. Premièrement de calamite / cherte / et abondance de biens.

Sil les haïendes de Januier se treuvent Dymenche. L'uyver sera chault. Le Printemps humide. L'este & Autopne ventueux. Le ble sera a bon marche: & assez souffisamment de bestial De miel a souffisance: & abondance de poys sebies &c. Il sera assez vin: mais les fruitz des iardins periront. Il seront guerres. & beaucoup de larcins se perpetreront. L'on ourra plusieurs choses nouvelles. Les Roys et princes seront en paix. ¶ Si les haïendes de Januier sont le Lundy. L'uyver sera commun. Le printemps & Leste attrempez: mais il seront inondations de ruez. Et regneront grandes & griesuez maladies & plusieurs alteratiōs de mauys. Et beaucoup de grādes dames seront en grāde melancolie et tristesse. Il y aura grādes glaces. La vendāge ne sera pas bōne. Les blez seront a commun pris. Les mouchez a miel mourront. ¶ Si les haïendes de Januier entrēt le Mardy. L'uyver sera grant: avec grandes broillatz & negez. Le printemps & Leste humides. L'autopne sec. Le fromēt chier. La vendēge moyēne. S'era peu de bestial. Les bastcaulx sur mer serōt en dāgier de perir. Le lin sera chier. Il serōt de grans feuz. La peste regnera en Italie en plusieurs lieux. De pesaille sera assez souffisamment. Dhuyfle assez. Les romains serōt troubles. S'era mortalite de femmes. Nulcū Roys et princes mourront.

¶ Quāt les haïendes de Januier seront par mercredy. Les bledz seront bons & a bon marche. Vendāge abōdante. Discorde sera entre les gēs litterez: touteffois il prouffiterōt & seront bon fruit de leurs estudes. L'uyver sera chault. Le printemps humide. L'este bon. Autopne attrepe. Le tēps sera dāgereux de beaucoup de fieures. S'era mortaliue de ieunes femmes. Famine regnera en plusieurs lieux. Les

jeunes gens tomberont en plusieurs maux & incōueniens. Il ne sera quasi point de miel.

¶ Si le Jeudy seront halendes de Ianuier: il sera grāde abondāce de fructz. La chair & le lin seront chiers. Et sera abōdāce de pommes: et nō point trop de miel. ¶ Lyuer sera attrēpe. Le printēps Vēteulx. Leste chault. Autōpne bon. & ne seront point grandes eueuz: Dhuyllē sera a souffisance. Peu de pesaille: mais il sera abondance de tous aultres bledz. Et celle année plusieurs Roys & princes mourront. Et sera paiz par tout.

¶ Si en Vendredy seront halendes de Jāuier: celle année lyuer sa uancera. Le printēps sera bon. Leste & Autōpne seront secz. Les bledz et Vins seront a bon marche: & regnera maladie des peup. Plusieurs enfans mourront. Il seront guerres & batailles & meurdre de gens. Lon voyagera dūg royaume: ou cōtree a l'autre. Dāgier aux roy aulmes. Les bestes & mouches a miel periront.

¶ Si les halendes de Jāuier seront par Samedy: celluy an Lyuer sera Venteulx. Le printēps sera long. Leste Variable & humide. Autōpne sec. Le fromēt sera chier. Peu de vendenge. Regneront beaus coup de sieures tierces & quartes. Les vielles gēs mourront. Les lins seront chiers. De pesaille sera moyēnemēt. Plusieurs grans feulx sallumeront en plusieurs lieux & maysons aux Villes & pays. Il sera beaucoup de fructz.

¶ Item notes Que quant il parle des halendes de Jāuier: dy sant. Quant les halendes de Ianuier seront par dimanche. Lundy. Mar dy. Mercredy &c. Il sentend q̄ quant le p̄mier iour de l'an entre par Dy menche. Lundy. Mar dy. &c. il seront telles choses & telles &c. cōment il est dit dessus.

¶ Sachez aussi q̄ toutes halendes dūng chascun moys: quel q̄ soit: cōmencent tousiours les halendes le p̄mier iour du moys &c.

¶ Autre Reigle.

Semblablement si auxdictes halendes de Ianuier il tonne au ciel: pronōce & manifeste q̄ celle année il aura plusieurs Vētz chaultz: & sera asses d'blez. Et signifie grādes guerres aduenir.

¶ Si lōne aux halendes de Feurier: pronōce & manifeste aduenir de grandes maladies: de pestilences: & specialēmēt entre les riches.

¶ Si aux halendes de Mars sont faictz tonnoires. Sera celle année abōdāte en fromentz & tous aultres fruitz. Et prononce que en

tre les gens seront grandes noyses & discordes.

¶ Item Si aux halendes Dauril il aye tonne ou tonne: signifie que toute celle année de bonoir estre fructueuse et ioyeuse en toutes choses Pareillement pais: & abondance de tous biens.

¶ Si il tōne aux halendes de May: pronōce & signifie q̄ celle année sera grāde pourrete: grāde famine & chierete. Et grandes guerres et batailles ouiettes.

¶ Item Si il tonne aux halendes de Juing: cela manifeste & signifie q̄ celle année serōt batailles & seditiōs. Il regnera aussi mortalite soubdayne: & plusieurs autres maux.

¶ Si aux halendes de Juillet sont faict tōnoirres: cela signifie que celle année sera bonne denree: de tous bledz & Vins. Mais bestial et mouches a miel seront en grand dangier.

¶ Item Si aux halendes Daoust seront ouyz tonnoirres: prononce et signifie totallemēt regner grandes maladies: chier temps: & beaucoup de maux.

¶ Et si aux halendes de Septembre il tonne: manifeste & signifie que celle année sera abōdante de toute malice. Et que seront faictz grandes batailles & occision d'hommes.

¶ Item Si il tonne aux halendes Doctobre: signifie que toute l'année sera Venteuse grandement. Les viures bons: mais peu de fructz.

¶ Item Si aux halendes de Novembre soient faictz Tonnoirres au ciel: signifie que celle année sera abōdance de tous biens & fructz Et sera ioyeuse & paysible.

¶ Pareillement si aux halendes de Decembre il tonne: l'année sera semblable a la deuant dicte: en tous biens. &c.

¶ Par ces signes dessusditz peult estre facilement congneu ce que doibt estre ou aduenir toute l'année. tant en bien que en mal. Lesquelz signes sont viues & approuues: & des anciens sages experimētes et den hault du ciel manifestes: & selon la science Verifies.

¶ Des Jours mal fortunez.

Ensuyuent les iours mal fortunez: lesq̄lz des auteurs generallement sont appelez dangereux: auxq̄lz iours si aucun tombera en maladie: il ne guerira point ou viuent il languira & aura longue maladie. Et si aucuns enfans naistront en telz iours ne viuent point: et si viuent: ilz seront tousiours pources toute leur vie. Et si aucun sortiroit de sa

A.m

may son pour soy tenuer et demourer en Vng aultre lieu : ou sil vou
loit aler par pays: soit par mer ou par terre: il tombera en grans u
conueniens & pourete: & tousiours ira de mal en pis. Pourquoi
aussi en telz iours ne achetez: ne platez: ne faictes point de banquet:
ne chose de quoy lon espere dauoir bone fin. Et sont estes telz iours
approuues. &c.

¶ En Ianuier: le. iiii. B. ix. piii.

¶ Feurier a suspectz. le. xiii. p vii. p ix.

¶ En Mars le. viii. piii. p v. p ix.

¶ Avril a de perilleux le. v. & le. piii.

¶ May a de perilleux le. viii. & le. piii.

¶ En Iuing est dangerieux le. vi. iour. ¶ Decembre a le. vi. & xi.

¶ Juillet: le. p vi. & p ix.

¶ En Aoust le. viii. & p vi

¶ Septembre le. i. p v. & p vi.

¶ Octobre a le. p vi.

¶ Nouëbre le. p v. & le. p vi

¶ Pour trouuer Pasques.



Il fault noter les vers icy dessoubz escriptz: car ilz
oy dōnent la maniere pour scauoir quant seront.
Pasques en quel tēps: en q̄l. moys & en q̄l. iour. Et
il est a scauoir q̄ tōles nōs qui finissent en m signi
fie que Pasq̄s doit Venir en Mars. Et tous les
autres nōs lesq̄lz finissent en aultre lettre: sentend
quil vient en Avril. Pour quoy q̄ pasques ne peult

Venir si non en mars ou Dauril. Et sachez que Vng chascū nō deno
te Vng an: & Vng chascū nō tēseigne a trouuer ladicte Pasque: & a
quel iour du moys. Mais il fault faire en la sorte & maniere q̄ sensuyt
Prenez la p̄miere lettre du nō tousiours puis Va sus l'alphabet de
la b c. & cōmence a compter en A iusq̄s a tant que tu paruiens a celle
lettre qui faict le cōmencemēt du nō: & tant de lettres cōment tu trou
ueras deuāt celle la: tant de iours dedās le moys serōt deuāt Pasq̄s

A b c d e f g h i k l m n o p q r s t u v x y z & 9 2

Titire. Linge. Capros. Aperijsidia. Grande. Beatam.

Tigna. Creant. Fumum. Peti. Arantes. Teneus.

Mil Bc. l. M. Bc. n. a p p v n 10² s. M Bc. 3. Bc. im. Bc. v. Bc. vi. Bc. vii
Lex Etiam. Quare. Gessit. zenophom. Maroi. Dipit

M. Bc. v m. M. Bc. ix. a p p i. 10². M. cccc. vi. Mil. cccc. xii.

zeffetus. Humeres. Animarum. Vere. Ligustrat

1513 a xvii. iours

Estum.

1514

2515

1516

1517

1518

1519

Querit. Humus. z ipsum. Mons. Depunit. Et.

1520 Humol. 1521 Merum. 1522 Diolans. 1523 Edit. 1524 Querat. 1525 Quadriantes. 1526 Anie.
 A B C D E F G H I J K L M N O P Q R S T U V W X Y Z
 pantes. Hians. Dominum. Reneat. Inopinus. Amorem.
 Heccepppim. pppim. pppv a pppmio² s pppvi. pppvii. pppviii
 Niticorap. Erant. Dominum. Querit. Arte. zenophum.

Et puis retourne au cōmencemēt des vs a compte ainsi tousiours.
 ¶ Item il fault aussi noter. Que sont aucuns desdictz noms des
 quelz la premiere lettre ne court pas au nōbre de A B C. car des letz
 tres de la B C. ne sont si non. pppvi a Pasque peult Venir a. ppp. et a
 pppvi. a a pppviii. ac. Pourquoi telz iours q̄ trespasent la B C setrou
 uera dessus le nom en escript a tāt de iours a a q̄l iour serōt pasq̄s

¶ Des Signes du zodiaque / & Planetes.

Aries. Taurus. Gemini. Cancer.
 Leo. Virgo. Libra. Scorpio. Sagit
 tari⁹. Capricorn⁹. Aquari⁹. Piscis.



Aches q̄ le. Soleil demeure en vng chascun de ces
 signes ppp. iours. Et la Lune deux iours a demy
 et faict mutation avec le temps.

¶ Item saches que quatre desdictz signes sappel
 lent masculins: lesquels sont. Sagittaire. Libra.

Leo. & Gemini. Et quatre sappelent femenins: cest. Taurus. Ca
 cer. Virgo et Piscis. Et les autres quatre sappelent masculins
 et femenins: cōme sont Aries. Scorpio. Capricornus & Aquarius.

¶ Item saches aussi que trois des dessusdictz signes tiennent de la
 nature du p̄mier elemēt: quest du feu. Cest a scauoir Aries. Sagit
 taire & Leo. car ilz sont chaultz & secz comme le feu. ¶ Les autres
 trois app̄tiennent au second elemēt: quest L'aer: lesquels sont chaultz
 et humides comme luy. Ceulx sont. Gemini. Libra. & Aqua^{rius}.

¶ Et trois diceulx app̄tiennent au tiers elemēt: quest la ter^{re}. est
 assauoir Taurus. Virgo. & Capricornus. lesq̄lz sont froitz & secz
 cōme la terra. ¶ Les autres app̄tiennēt au quatriesme ele^{ment}.
 quest Leau: lesquels sont Cancer. Scorpio. & Piscis. Car. ilz sont
 froitz & humides cōme leau.

Alm.

¶ Item saches aussi q̄ quatre de ces signes sont fermes & estables
lesq̄lz sont. Taurus. Leo. Scorpio et. Aquarius. Et ceulx cy sont
fort mauuais a tout ce que l'homme Deult faire ou la femme quāt la
lune est en aucun de ces signes: laquelle demeure en chascun signe
deux iours & demy: cōmēt dessus est dict. Excepte que en ces signes
il faict bon labourer la terre: semer & edifier: de faire pontz & choses
fermes & estables. Mais il n'est pas bon de acheter ne de vendre. &c.
¶ Item quatre des signes dessusdictz sont moyens ou indifferēs: cō
ment Gemini. Virgo. Sagittaire & Pisces. En ces signes faict bō
a cōmencer ou traicter choses mouuātes. Mais de vendre ny d'ache
ter il n'est pas bon. ¶ Au signe de Gemini faictz tout ce q̄ tu Vou
dras: car il te prouffitera beaucoup. ¶ Au signe de Taurus. & Ari
es si tu Deulx aller en q̄lq̄ part: allez hardiemēt: car tu trouueras ce
que tu desireras. ¶ Au signe de Pisces est bon faire tout ce que tu
Vouldras: car tout te viendra a bonne fin.

¶ Des heures du iour & de la nuict.



¶ Ay test demonstre de toutes les heures du iour et de la
nuict: lesquelles sont masculines: & lesquelles sont fe
menines. Et saches que si tu Deulx demāder ou obte
nir grace d'aucune dame: ou que tu luy Deulx mander
aucune chose pour obtenir ce que tu demāderas d'elle. Ne le faictz
pas nullemēt: ne luy mādes ou demādes riens: quāt la lune est au
signe masculin: lesq̄lz iay desia notes cy dessus. Et semblablemēt
faictz quil ne soit pas en heure masculine. Mais si tu Deulx obte
nir aucune chose d'aucune dame: il faut q̄ tu le facez: ou mandes
ce que tu Vouldras: en signe femenin: & heure femenine: & par ainsi tu
obtiendras bon effect de tout ton desir.

¶ Item si tu Deulx demander ou obtenir grace pour aucunes tes
affaires: a aucun seigneur ou seigneurie: ou officier: regnardez q̄ tu ny
allez point quant la lune sera en signe femenin: mais demande ce q̄
tu Deulx en signe masculin & heure masculine: & ainsi faisant tu ob
tiendras ta demande.

¶ Item saches q̄ la p̄miere heure du iour: cest la. viii. heure selon le
calcule dytalie. Mais nous cōmencons a la mynuict. La p̄miere est
masculine. La secōde femenine. La tierce masculine. La. iiii. femine

nine. La. V. masculine. La. Vi. feminine. La. Vii. masculine. La. Viii. feminine. Et ainsi consequemment iusques a la fin

¶ Item Toutes les heures: tant du iour q de la nuict nombres en telle maniere: quel quilz soient. Toutes celles qui sont en nombre dispar: sont masculines: & les heures en nombre per: sont feminines.

¶ Table pour scauoir quelle Planete regne chascune heure/ tant du iour que de la nuict,

Dimanche	Sol.	Den.	merc.	luna	Sol.	Jupi.	mar.	Sol.	Den.	merc.	luna	Sol.
Jeudi	Jupi.	mar.	Sol.	Den.	merc.	luna	Sol.	Jupi.	mar.	Sol.	Den.	merc.
Lundi.	luna	Sol.	Jupi.	mar.	Sol.	Den.	merc.	luna	Jupi.	mar.	Sol.	Den.
Vendredi.	Den.	merc.	luna	Sol.	Jupi.	mar.	Sol.	Den.	merc.	luna	Sol.	Jupi.
Mardi	mar.	Sol.	Den.	merc.	luna	Sol.	Jupi.	mar.	Sol.	Den.	merc.	luna
Samedi	Sol.	Jupi.	mar.	Sol.	Den.	merc.	luna	Sol.	Jupi.	mar.	Sol.	Den.
Mercredi.	merc.	luna	Sol.	Jupi.	mar.	Sol.	Den.	merc.	luna	Sol.	Jupi.	mar.
Les heures	i	ii	iii	iiii	v	vi	vii	viii	ix	x	xi	xii

¶ Sensuyt la description de la table laquelle monstre a cognoistre sans faillir/ a quel iour et a quelle heure Vne chascune planete regne Et pour entendre ladicte table/regarde a quel iour tu es de la sepmaine et quelle heure il est du iour. Les iours sont escriptz au coste de la table/ et les heures au dessoubz par nombre,

¶ Si tu es au dimanche / prens le dimanche sur la table / et la ligne
 quelle regardera tu la prendras tout au long pour le iour dessusdict
 commençant a la mynuit et tirât iusques au midy. Et depuis le mi-
 dy iusques a mynuit fault prendre la ligne qui est au dessoubz de cel-
 le que tu auras prinse pour ton matin. Et se tu es au mercredi lequel
 au dessoubz na nulle ligne pour son midy / a l'heure prens la ligne du
 dimanche et dicelle poursuis iusques a la mynuit / & ainsi ne faudras
 aucunement. ¶ Item pour l'heure soit deuant midy ou apres / regar-
 de quelle heure du iour tu tiens / et ycelle cerche au nombre des heu-
 res / et le droit dycelle poursuis iusques tu soye droictement sur la li-
 gne que auras trouuee pour ton iour deuant midy ou apres / & la pla-
 nette que dans le carreau trouueras escripte sera iustement celle qui
 regnera presentement a l'heure / & ainsi de toutes les autres heures
 du iour.

¶ Et note que la planette qui regne a la pre-
 miere heure de matin / cest celle qui domine sur toutes les autres /
 en ce mesme iour

¶ Declaration des seigners.

¶ Item pour la sante principale de l'homme sont cy mises les figu-
 res des Veines estans sur le corps humain: tant de la partie du derrie-
 re: que de la partie de deuant: et sur chascune Veine est mise l'escrip-
 ture monstrant au quel mal et douleur la saignée d'une chascune vei-
 ne profite pour la sante de l'homme. ainsi que apres sensuyt.

¶ Item note que toutes les Veines des bras se doluent seigner a
 leur pour cause dinconuenient: et aussi la saluatielle des mains.

¶ Demonstration et figure des Veines du deuât & de leurs Vertus



La Vaine du front vault a la migraine au mal de
 teste a la po. des yeulx. Celle des angles de loeil a
 la veue et aux yeulx.

¶ Celle du nez a la rougeur & aux boutons du vi-
 sa. & a l'infec. du cueur.

¶ Les. ii. des leures aux dens & genci. & a la reume

¶ La cômune a la teste a l'estomach & aux costez.

¶ La basilique aux espaulles au foye a la ratte et
 comprime le sang.

¶ Celle du pouce a la teste: & aux yeulx.

¶ Celle des aygnes a l'inflammatio des reins & geni

¶ La sefane a la retentiô du sang menstrual & con

tre la douleur des genitoires.

¶ Les. ii. des temples aux oyas & profitent a la Veue

¶ Les. ii. de la ioe a la roigne et pustules de la teste.

¶ Les. ii. dessous la langue aux apo. de la bouche.

¶ Les. ii. dessous le menton aux mapilles.

¶ Celle du coste aux inguines.

¶ La basilicque pour le foye

¶ La circulaire cõtre fievre tierce et quarte

¶ Celle du pouce a la teste et es yeulx.

¶ Celle du membre viril au temperament du cuer

¶ Celles des genoulx aux reins a la vessie es aynes

¶ Celles sous les talons aux ioinctures et cuisses.

¶ Celle du gros orteil aux pustul. et mal des cuisses.

¶ Dẽmonstration & figure des Veines du dẽtrier & de leurs Vertus



¶ Les. ii. guidez de la bouche a la poplexie sans guineuse.

¶ La cephalique aux yeulx a la bouche a la langue

¶ La circulaire aux strictures de la poitrine & au polmon

¶ La saluatelle a la teste: a la rate & au polmon

¶ La saluatelle des piedz au sang menstrual aux genitoires & cuisses.

¶ La Veine de dẽtrier la teste aux Vieilles douleurs d'icelle.

¶ La cephalique a la teste au cuer es espaulles

¶ La Veine commune au cuer et a l'estomach.

¶ La saluatelle a la rate pour fievres et euacuation de colles.

¶ La siatique sous la cheuille du pied aux cuisses aux maladies des anches et pour restraindre le sang menstrual.

Finis

¶ Sensu la table du contenu en ce present liure.

Premierement d'ung Jugement Vray et approuue lequel durera
a tousioursmais. De calamite: de abundance de biens et de charite.

¶ Item il traicte des iours malheureux: lesquels sont dangereux
a faire toutes choses: et comment lon se doit dyceux garder: et les
euitier. selon sidrac

¶ Tiercement il traicte d'une Roue de fortune bonne a cognoistre
tout ce que l'homme et la femme vouldra cognoistre par sa auenture: et
par science approuuee.

¶ Item plus il traicte d'une nouvelle rayson pour trouver Pasques
en vers: quant et en quel temps elle viendra: que est Vne chose fort belle
a veoir et defendre

¶ Item plus il te donne a congnoistre tous les signes et planetes
et lesquels sont bons et lesquels mauuais: a faire ses affaires Et soubs
quel signe ou planete tu doisz faire ou comencer tes besoignes: afin
fin q'ls soient faictz selon ta voulente: et que ayent bonne fin.

¶ Item en quel temps et heure q' tu veulx obtenir grace d'ung seigneur:
ou vrayement d'une dame: il t'enseigne la maniere: Heure et le temps.
que est belle chose de le scauoir.

¶ Item Tu trouueras Vne table fort belle pour trouuer et scauoir
laquelle planete regne Vne chascune heure: tant du iour que de la
nuict.

¶ Item il traicte finalement de plusieurs autres belles: Vrayes et
approuuees choses: par rayson diffinies: et par science approuuee: et
par euidence experimenteres. &c.

¶ Item la fleubotomie d'un maistre anthoine d'auignon. qui est Vne chose
si necessaire a tous chirurgiens.

¶ Finis.



15.

Q700.
a.g.t.

lacuna 3 pieces